

Universitätsbibliothek Paderborn

**Hermannii Conringii De Pace Civili Inter Imperii Ordines
Religione Dissidentes Perpetuo Conservanda Libri Duo**

Conring, Hermann

Francofurti ; Lipsiae ; Wittebergae, 1680

§. II, Quas conditiones Pax Religionis contineat.

urn:nbn:de:hbz:466:1-9585

Comitiis, & in Conventu Monasteriensi ac Osnabrugensi pe-
tierunt, ut ex Gravaminibus, que obtulerunt, constat.

§. II.

*Quas Conditiones PAX Religionis
contineat.*

CUM PAX de quâ modò agitur, sit quædam Pacis Religio-
nis confirmatio, extensio aut ampliatio, hujus condi-
tiones pernoscende sunt, ut de illâ judicium feramus. Videtur
autem PAX Religionis, prout Recessu Comitiorū, Anno 1555
inserta est, ad octodecim sequentes articulos redigi posse.

I. Nullus Status imperii propter Augustanam Confessio-
nem invadatur, lædatur, opprimatur, neque in vitus ab illâ,
ejusque fidei ritibus, ordinationibus, quas vel instituerunt
Protestantes vel instituturi sunt, in suis Principatibus ac do-
miniis repellatur, gravetur, aut contemnatur.

II. Vicissim Status Augustanæ Confessionis contra Ca-
tholicos nihil attentent,

III. Controversa Religio aliter quam Christianis amicis
ac pacificis viis & mediis non componatur.

IV. Qui alterutri harum Religionum addicti non sunt,
hâc Pace non comprehendantur.

V. Si ArchiEpiscopus, Episcopus Prælatus, alijsve qvispi-
am Ordinis Ecclesiastici, à Catholicâ Religione recesserit, Ec-
clesias & Beneficia cum fructibus absque morâ quidem, sed
sine detimento honoris sui, relinquat.

VII. Ecclesiastica jurisdictione adversus Augustanam Con-
fessionem e jusque Ministros, ritus, Ordinationes, quas in-
stituerunt, aut instituent, quiescere atque suspenſa esse &
manere debent.

VIII. Catholicis reditus, Census, Pensione salvæ maneant,
salvis juribus sœcularibus ejus Status, in cuius territorio ist-
hæc sita sunt Ecclesiarū quoq; ministeriis, Parochiis, Scholis,
Ele-

Eleemosynis, Hospitalibus ex iis bonis provideatur, unde prius providebatur, non attento Religionis discrimine.

IX. Si super his præstationibus lites oriantur per arbitros componantur.

X. Nullus Status alium, ejusque subditos ad suam religionem compellat, nec eos arte aliquā ad se attrahat, aut contra Magistratum suum in tutelam suscipiat, aut ullatenus defendat.

XI. Si aliqui Religionis ergò ex Statuum seu Catholicorum seu Protestantium Provinciis aliò migrare velint, emigratio bonorumque distractio, [consveto emigrantium tributo, & si mancipia fuerint, lytro persoluto] absque impedimento & honoris obligationumque præjudicio concedatur.

XII. Si compositio Religionis in Concilio generali aut Nationali, aut tractatione Imperiali Comitiorum non sequatur, nihilominus Pax ista secundum omnes suprà dictos articulos vigorem obtineat, usque ad finalem Religionis compositionem. Atque ita modo jam dicto, & alias undequaque, constans, absoluta sive inconditionata & perpetua Pax constituta & decreta sit ac maneat.

XIII. In hâc Pace libera quoque Nobilitas Cæsari immediatè subjecta comprehendatur.

XIV. In civitatibus Imperii utraque Religio, ubi aliquamdiò viguit, etiam imposterum ita permaneat. Et neutra pars alterius Religionem & ritus abroget, vel ad eam deferendam alios compellat, sed utraque pacificè & quietè coabitet.

XV. Constitutiones Imperii vel aliæ Ordinationes contrariae nihil huic Paci derogent, neque declaratio in contrarium dari, impetrari, acceptari possit, data verò, impetrata, acceptata nullius sit roboris, sive in judicio, sive extrà.

XVI. Hos articulos Cæsar, Rex, eorumque successores inviolatè observabunt, nec contra seu ex potestatis plenitudine, seu alio prætextu agent, neque suo nomine agi permittent. Idem præstabunt Principes, Prælati, Comites, & Civitates Imperii,

perii, eorumque Successores & hæredes sub obligatione Cæsareæ, Regiæ & Principalis dignitatis, fidei & fidelitatis, in verbo veritatis, omni dolo secluso.

XVII. Ex utraque parte nec Cæsar, nec ullus Status alterum quocunque modo per se vel alios gravet, opprimat, lædat. Si quis adversus hanc Pacem alteri vim aut molestiam intulerit, Cæsar, aliqui Status id facienti non solum consilium, auxilium, patrocinium nullum præstabunt, sed contrà alteram partem auxilio & patrocinio juvabunt.

XVIII. Cameræ Imperialis Præses & Assessores, secundum hanc Pacem, non attentâ Religione, partibus Jus dicant. Neque contra hæc processum aut mandatum decernant, vel alio modo agant.

§ III.

Quantum damni & præjudicij ha Conditiones Catholicæ Religionis inferant.

ID patebit, si a prioribus verbis dictas conditiones in istud Compendium redigamus.

I. Principibus & Statibus Secularibus non solum fas est à verâ fide deficere, verùm etiam hæresin in Principatus & dominia sua introducere. art. I. Hinc orta est ea Regula: Jus Religionem introducendi, sive reformati concessum est alto, sive mero seu sublimi imperio, ut, qui istud habet, potestatem habeat Religionem mutandi & constituendi.

II. Deficiendi libertas conceditur quoque ArchiEpiscopis, Episcopis, Prælatis & aliis quibusvis Ordinis Ecclesiastici, modo Ecclesias & Beneficia cum fructibus dimittant. art. 5.

III. Eadem libertate gaudent omnes subditi Catholicorum Principum & Statuum, si velint emigrare, art. II.

IV. Apostatarum honori cavetur, tollendo omnem infamiam juris nimirum seu facti, quæ hæresin sequitur, art. 5. & II.

V. Subditi Protestantum aut Religionem illorum sequi debent,